

Gaskesadth

Ibie tjoerh diëdtem biejedh sorkijasse gaskesadtedh. Aellieh jiehtieh "ringkh munnjien jis mij akt, manne daesnie dov gaavhtan". Dellie stoerre hille sorkije ij åajsoeh gaskesadtedh. Jiehtieh buerebh "manne dutnjien ringkem dæjstan, vaeltieh tellefovnem jis sijhth." Jis sorkije ij vaestedh, maahtah ikth vielie ringkedh. Jih vihth ringkedh, gellien aejkien.

Tsööpkh sjeavodsvoetem

Jeenjesh tuhtjieh geerve gaskesem sorkijie vaeltedh. Maam edtjh jiehtedh? Enn jis eevre sjeavohth sjædta gosse ringkh jallh sorkije aalka tjeaerodh? Ij leah vikkielommes maam jeahtah, men doesth sjeavodsvoet- em tsööpkedh. Såemies aejkien te- ekstebievnesse lea buerebe goh ringkedh, daamtaj aelhebe bievnese åadtjodh jih dam vaestiedidh.

Årroeh vissjeles

Vueseht datne guarkoeh fierhten sorkijen lea jïjtse sårkoe- prosesse. Aellieh sårkoem "båarhte soelkehth", jïh aellieh aajpehtsvotem vueseht jis sorkije ij guhkiebasse båetieh. Ij leah sårkoen naan "bööremes åvtelen-daatoe", jïh ij naan iemie jallh ov-iemie guhkies tïjje sorkedh. Naakenh daarpesjïeh seamma histovrijen soptsestidh gellien aejkien, jïh naakenidie maahta akte vihkeles bielie årrodh sårkoem guarkedh jïh gietedidh.

Vaeltieh skraejriem

Gihth mejtie edtjede aktem eevre biejjieladtje darjome- sem darjodh. Maahtah bööredidh båetedh prïhtjegem jovkedh, filmem vuartasjidh, jallh dåeriedidh ånnetji ålkone mïnnedh. Gellie sorkijh liegkedimmien mietie sårkosne jïh ohtje siejhme aarkebiejjien mietie haeliedieh. Mujhtieh dïhte maam böörh dagke ij sijhth båetedh jallh dåeriedidh, jïh dam tjoerh jååhkesjidh. Vihkielommes datne gihth – jïh doesth ikth vielie gihthjedh.

Vuesehth datne desnie

Jeenjesh mijjeste billebe mubpiej jielede
sijse tjihtedidh, jñh dellie illedahke maahta
sjiðtedh mijjeh ibie maam gænnah darjoeh.
Dagke ussjedibie sorkije buerebh sæjhta
raeffesne årrodh, jallh vuertebe gaskesem
vaeltedh goske "vierremes lea nåhkeme".
Tjoerebe tjïelkelaakan vuesie- htidh mijjeh
desnie, olles sorkije ålkolen jallh åajaldamme
domth.

Vedtieh sijjiem

Maahta jeenjesh årrodh mah seamma
almetjen bijjelen surkieh seamma
tïjjen. Fiereguhte almetje mij aktem
lihkes almetjem dasseme, aktem sjiere
ektiedimmiem åtna dïsse mij lea sealad-
amme. Sårkoe lea joekehts almetjistie
almetjasse. Tjoerebe baajedh årrodh
sårkoem jïjtjereeredh jïjtjene mojhtesigujmie
jñh domtesigujmie. Tjoerebe mujhtedh
sorkijen domtesh dah mah leah faamosne,
saaht magkerh domtesh dah leah. Mijjen
åssjaldahkh jñh soptsesh leah hævvi aaj
vihkeles – men eah vihkielommes.

Frykt ikke, for jeg er med
deg, vær ikke redd, for jeg er
din Gud! Jeg gjør deg sterk
og hjelper deg og holder
deg oppe med min rettferds
høyre hånd

Jesaia 41, 10



Raerieh mejtie daennie tjaalegisnie gaavnh Leah
ajve naakenh dejstie dahkojste mejtie maahtah
sorkijen åvteste darjodh. Aellieh vïenhth dov
onne viehkie ij gaagnine sïjïdth, dovne onne da-
hkoeh maahta vihkeles årrodh. Jis vielie viehkiem
sïjhth jallh sïjhth naakenigujmie soptsestidh,
maahtah maaje åålmegem vaaksjodh gusnie
årroeh jallh kirken.no/chat. Maahtah aaj rohke-
lassem rohkelidh jallh tjoevkesem båaltajehtedh
sïjjesne kirken.no/be.

Mij Voestes viehkie sårkosne?

Lyövlehke oktegh årrodh sårkosne. Dan åvteste gærhkoeh åssjaldahkh jìh tjìelke raerìeh tjööngh-keme mah maehìeh mijjem viehkiehtìdh stìe-resne årrodh mubpiealmetjìdhie sårkosne. Sårkoe baektjede, seamma tìjjen maahta sårkoem vielie gaarsjelìdh gosse åådtje dam juekedh. Gærhkoeh lea guhkies dååjrehtìmmie sorkìjh dåastoehtìdh jìh dåarjoehìdh. Daah raerìeh earnadìeh viehkìne årrodh don voestes baelièn gosse naakenh leah aktem dasseme maam gaarhta.

Gaajhkh sårkoeh leah sjìere. Ij naan bìhkedassh gååvnesh mah iktèsth leah reaktoe, ij leah naan vihties saetniesvoeth. Dagke daate aaj akte dejstie fåantjste man åvteste dan jeenjesh jue-riedisnie sjìdthìeh gosse edtjìeh mubpieh gaavne-ìdh sårkosne. Daej raerìejgumìe Nöörjen gærhkoeh gegkeste viehkìne årrodh guktìe jìenebh ånnetjì jearsoesåbpoe jìh buerebe ryöjredamme domtoeh, olles naakene mijjen bìjre tjoerh oktegh årrodh sov sårkosne.



NÖÖRJEN GÆRHKOE



NÖÖRJEN GÆRHKOE

Voestes viehkie sårkosne

Tjïelke raerïeh mah maehïeh
mijjem ånnetji viehkiehtidh
stïeresne årrodh almetjidie
sårkosne